



# 中國地方志集成

江蘇府縣志輯 (50)

道光泰州志

泰州新志刊謬

民國續纂泰州志

江蘇古籍出版社 ● 上海書店 ● 巴蜀書社

本書三十六卷首一卷，據清光緒三十四年（一九〇八）補刻本影印。



道光  
泰州志



(清)

王有慶等  
纂修  
陳世鎔等

序

周官職方氏掌天下之圖以掌天下之地扶風班氏因之有地理志他若西京東觀襄陽諸記厥體備焉後代郡邑志書實昉於此所以稽舊典存遺忘備史官之採擇也故志與史體例同而詳畧異州縣之志敘事尤詳一邑之文獻掌故雖去取貴嚴而蒐羅必備體固然矣我

朝重熙累洽文治日光

畿輔通志暨各省志靡不興修備舉第偏州小邑舊志兩侵風剝鮑蟬蠹而訛魚豕者亦往往不免泰州為揚

泰州志

陳序

一

屬邑自雍正六年州牧褚君修輯迄今已近百年其間建置之分析田廬之萃渙以及俊行偉節淑德懿操伏閭閻而潛幽光者何可勝道斯亦守土者之責也王君有慶以道光四年來守茲邑甫下車卽愾然以修志為首務與邑之紳士籌經費設公局延宿學蒐輯而討論之體尚謹嚴辭歸簡要期與郡志傳之久遠乃不數月而王君奉委北行監收海運次年春余攝州篆與茲盛舉顧纂輯歲餘成帙者未及一半詢之董修諸君知開纂時前牧王君遍延紳耆以資採訪并屢經出示令邑之人以其先人嘉言懿行錄送志局而至今寥寥無

從摭拾余懼夫功虧一簣不克成前牧之美更刊示勸

諭以本年八月各送事實到局為率逾約者不錄冀於

是歲告成共觀全書而洪水驟至禾稼蕩然金穀簿書

披星月於救災撫卹卒卒無須臾問志局公需亦以歲

饑難促捐款十月間余復以母憂去任回籍未嘗不以

斯事未成歉然於懷今年冬接海陵諸君來書知劉君

鈴攝篆以來克終其事全志已成現付剞劂蒙以底本

贈鈔寄陽並乞余言以弁卷首緡閱屢日覺其簡明典

核與彰德武功筆墨如出一轍舊志之蟬銷蠹食綠屣

破碎者為之考其原補其缺而自分東臺縣後山川河

泰州志

陳序

二

渠疆域賦役諸大綱條分縷晰瞭如指掌洵足為將來修輯者之先路余喜夫諸君孜孜不怠以成余在任時勸諭之苦心而益喜劉君與余共成夫前牧之美也遂不揣譎陋為書其梗槩焉

道光七年十一月冬至後十日

賜進士出身陞授通州直隸州知州前權知泰州事陳道坦

撰

秦州志職名

總輯

秦州知州升補太倉直隸州知州加知府銜署松江府知府王有慶 天津人

署秦州知州調補吳縣知縣李國瑞 鄭州人

署秦州知州升補通州直隸州知州陳道坦 黃陂人

署秦州知州補授海防同知劉 鈺 懷寧人

同輯

舉 人陳世銘 懷寧人

胡公書院掌教附監 生曹楫堅 吳縣人

監 生徐鳴珂 興化人

秦州志 卷首 職名

候選直隸州州判副 貢生周 岸 東臺人

泰 州 學 正張福謙 泰興人

監輯

署秦州學正候選 訓 導梁 桂 江浦人

襄輯

大挑一等舉人分發雲南候補知縣宮 庭 本州人

舉孝廉方正給六品頂帶附貢生高 鏗 本州人

府 學 生潘厚坤 本州人

候 選 訓 導朱士煌 本州人

秦州志

凡例

一東臺舊隸秦州今既置縣例應分晰其人物各門在未分縣前者仍錄入

一舊志凡十卷卷中彙刻劉志中十場志宮氏人物志依錄原文未加編次以致各門重見今分畫門類稍事增損通前後排比之以符體例

一史書有地理志無建置表今依其例首志建置沿革不復立表

一名宦及人物各門非已故者不書列女貞節不拘此例

一舊志藝文太繁其無關地方事蹟者畧加刪汰以歸簡要至呈狀牌示及祭文墓誌之類茲彙不錄

一各門新增據州學案嘉慶年續志稿及城鄉送局者覈書之

一秦州舊為海陵自漢唐來所轄甚廣軼事必多局中少書籍艱於蒐輯間有考證恐亦未當謹俟博雅者

一秦州舊為海陵自漢唐來所轄甚廣軼事必多局中少書籍艱於蒐輯間有考證恐亦未當謹俟博雅者

一秦州舊為海陵自漢唐來所轄甚廣軼事必多局中少書籍艱於蒐輯間有考證恐亦未當謹俟博雅者

秦州志目錄

卷首

序 職名 凡例 目錄 輿圖

卷一

建置沿革 星野附 祥異附

卷二

疆域 鄉都附 莊鎮

卷三

山川

卷四

秦州志 卷首 目錄

河渠 橋渡附 水利附

卷五

風俗 物產

卷六

城池 街市坊巷附

卷七

公署 義局附

卷八

學校 書院附 義學附

卷九

賦役

卷十

軍政 驛站附

卷十一

鹽法

卷十二

祠祀 坊表附

卷十三

秩官表上

卷十四

秦州志 卷首 目錄

秩官表下

卷十五

選舉表上

卷十六

選舉表下 封蔭

卷十七

事略

卷十八

寺觀

卷十九

古蹟 冢墓

卷二十

名宦

卷二十一

人物儒林

卷二十二

人物忠節 人物孝友

卷二十三

人物仕績

卷二十四

秦州志 卷首 目錄

人物文苑

卷二十五

人物篤行

卷二十六

人物隱逸 人物藝術

卷二十七

人物流寓 人物釋道

卷二十八

列女

卷二十九

列女

卷三十

藝文一

卷三十一

藝文二 碑記

卷三十二

藝文三 疏狀 傳揭 論議 賦

卷三十三

藝文四 詩

卷三十四

秦州志 卷之首 目錄

金石

卷三十五

雜志



卷三十六

舊序

四







秦州志卷之一

建置沿革 星野附 祥異附

周春秋時吳地後屬越戰國時屬楚 或曰即楚海陽

案戰國策蘇秦說楚威王楚地東有夏州海陽

秦屬九江郡

始皇二十四年定楚以其地置楚郡 通鑑 秦滅楚廣

陵屬九江郡 通鑑 案秦三十六郡無楚蓋平楚時暫

置後為九江郡

漢置海陵縣屬臨淮郡

臨淮郡元狩六年置縣二十九海陵有江海曾祠王

秦州志

卷之一 建置

莽時日亭間 漢書地理志亭間一本作亭門 海陵倉即漢吳王濞

之倉也枚乘上書曰轉粟西向陸行不絕 原本脫此句據後漢

書補 水行滿河不如海陵之倉謂海渚之陵因以為

倉 太平寰宇記

後漢屬廣陵郡

東陽故屬臨淮 有長洲澤吳王濞太倉在此 後漢書郡

斷一字非連綴書 案原文中海陵合前漢屬臨淮後漢屬廣

陵宋書州 舊州志云光武建武六年海陵省入東

陽屬廣陵 此因建武六年有并省四 雍正府志謂并

省無明文從宋志較有據新府志引三國志注孫策

破劉繇別將於海陵又呂岱傳廣陵海陵人俱在建

安時為後漢廣陵郡有海陵之證又引通典云東陽

縣城在盱眙東以漢地攷之中隔射陽高郵二縣不

能遠至海陵遂謂廣陵所領十一城應補海陵一城

而以長洲澤上綴東陽謂其傳寫有脫所論雖近是

然亦有不盡確者案後漢廣陵郡十一城 廣陵江都高郵平安

凌東陽射陽鹽 本無海陵則不得云傳寫有脫又案

賁輿堂邑海西 郡國志如滎陽有鴻溝水高陽故屬涿有葛城之類

俱係連文惟此條中斷一字亦未可云上綴東陽也

至光武時省減縣因而海陵之名已著前漢縣可廢

秦州志

卷之一 建置

而名不必廢陳壽裴松之晉宋時人或仍舊名書之

不能據此而斷郡國志之有誤且如海陵廢於三國

既見宋書何以魏志張遼傳內仍有至海陵之語此

又縣廢名不廢之實證也海陵在後漢自係省入他

縣特省入東陽則無文可據舊志固屬附會府志舍

漢志而專據宋書亦未可為定論也因錄之以俟知

者

三國時廢

江淮為戰爭之地其間不居者各數百里 以 海陵

高郵江都三國時廢 宋書州家魏志黃初二年征吳

張遼與曹休至海陵曹志作六年遼與弟至海陵甚誤六年文帝幸

廣陵故城吳志五鳳二年使衛尉馮朝城廣陵魏志

鄧艾傳云開廣陵城陽以待吳人則知廣陵海陵在

三國時不能定其屬魏屬吳也舊志載曹操遷徙海

陵戶口事既無明文案吳志建安十八年曹公恐江濱郡縣為權所畧徵令內移自

廬江九江斷春廣陵戶十餘又云吳孫亮以呂岱為

大司馬岱海陵人遂復置海陵尤屬附會並削之

晉太康元年復立宋書州郡志

廣陵郡統縣八其四為海陽又海陽有江海會祠並

見晉書地理志雍正府志年表言晉改曰海陽史無

秦州志 卷之一 建置 三

明文案海陽之名雖見國策而宋書不言改名則陽

字恐即陵字之譌新府志引簡文紀毛璩傳並見以事畧

證之似宋書為可據

安帝時分廣陵置海陵郡治海陵縣

義熙七年分廣陵置海陵山陽二郡晉書地理志安帝

分廣陵郡之建陵臨江如臯宜海蒲濤五縣置山陽

郡屬南兖州同上案府志據宋書謂山陽當作海陵甚是

海陵縣東晉

為海陵郡治統志表府志以海陵郡別治建陵

在晉安帝時案晉志無海陵郡治建陵之語未知何

據

宋因之海陵郡徙治建陵海陵縣仍屬廣陵

海陵郡徙治建陵大清一統志表廣陵太守領海陵令

宋書州郡志 海陵太守晉安帝分廣陵置領縣六建陵

臨江如臯宜海蒲濤臨澤同上案臨澤宋太濤

建陵廢縣在秦州東北七十里本東海郡屬縣義熙

中僑置於此見方輿紀要今東臺縣境 案海陵郡

晉志屬南兖州雍正府志作隸徐州蓋因宋元嘉八

年以廣陵江都等四縣立南兖州治廣陵遂疑南兖

州為專領廣陵一郡又因三十年南兖并省南徐故

以海陵郡屬之徐州攷晉義熙時徐州統郡十一廣

秦州志 卷之一 建置 四

陵海陵不在所統宋元嘉時以江北為南兖州廣陵

海陵割屬焉宋末南兖猶領郡十一徐志領南齊時

始分為五郡廣陵舊屬徐州當南兖治廣陵時即以

屬之而他郡之屬南兖者如舊非專領

廣陵一郡也 至南兖省入南徐其後復立還治廣陵而海

陵郡之別隸徐州史文無見仍以屬南兖州為是

南齊因之廣陵郡移治海陵建元四年省濟陰下

海陵郡治建陵領縣如舊永明中增置齊昌海安二

縣雍正府志年表加宜海為增置三縣誤宜海已見晉志

梁復以海陵縣為海陵郡治五縣仍屬之

北齊陳北周海陵郡縣如舊

隋開皇初郡廢以縣屬揚州省建陵縣尋析置江浦縣

大業初復省入海陵屬江都郡案梁時郡縣始并隋時郡廢縣存始隸江都郡

唐武德三年置吳州即吳縣置更縣曰吳陵七年州廢縣復

日海陵屬邗州武德二年為南兖州七年改為邗州九年復改為揚州景龍二年

折海陵置海安縣開元十年復省入有鹽官先是海陵

郡之臨江如臯皆并入宜海至唐又并入海陵

宜海晉安帝置隋以如臯縣并入唐又省入海陵臨

江亦晉安帝置後周并入宜海方輿紀要

五代楊吳置海陵制置院析海陵置興化縣屬江都府

南唐昇元元年升為泰州割興化吳屬江鹽城吳屬置

泰州志卷之一 建置 五

泰興如臯本晉縣隋省唐析海陵地置如臯鎮並海陵五縣屬之又以海

陵東境置靜海制置院參吳任臣十國春秋地理表

泰州本揚州海陵縣偽吳乾貞年中立為制置院偽

唐昇元元年升為泰州仍析海陵南五鄉為泰興縣

割楚州之鹽城縣改招遠場為縣至保大十年又割

如臯場為縣並隸泰州太平寰宇記 府志云寰宇記

義年析為招遠場尋改為興化縣屬揚州注云偽吳武

是場改為縣即今興化別無招遠縣也 海陵監

煮鹽之務也南唐昇元元年置海陵縣為監置泰州

以轄其監督鹽場八南四場北四場同

周為團練顯德五年分泰之靜海都鎮置靜海軍尋升通州

以海陵東境之東洲鎮置海門縣見十國春秋地理

表海門屬通州

宋為泰州軍事開寶九年以鹽城還屬楚州熙寧五年

分淮南為兩路泰州隸淮南東路領縣四海陵興化泰

興如臯

泰州上海陵郡本團練乾德五年降為軍事宋史地理志

開寶七年以海陵監移治如臯置西溪鹽倉孝宗

乾道七年罷鹽倉置官鹽場府志東臺沿革

建炎三年入於金尋復四年置通泰鎮撫使紹興十年

移置泰興沙上時泰興隸海陵復舊治原領四縣十二

泰州志卷之一 建置 六

年舊志作十四年設泰興復隸揚州治熙四年興化復隸高郵

軍自是所統惟海陵望如臯中下二縣

案宋史地理志泰興舊隸泰州府志俱云宣和四年

文無紹興五年屬揚州十年又屬泰州十二年仍隸

揚州以柴墟鎮延冷村隸海陵三十九年盡仍舊興

化舊隸揚州南唐已隸泰州建炎四年屬承州案是

高郵軍為承州此尚謂揚吳時紹興五年廢為鎮舊志云廢縣

三十一復為軍紹興五年廢為鎮為昭陽鎮附

海陵十九年復縣隸泰州乾道二年隸高郵軍又隸

泰州治熙四年還隸高郵軍府州志俱未詳晰今攷

正之

元至元十四年立泰州路總管府二十一年改爲州隸揚州路領二縣海陵上倚如阜

明洪武初省海陵縣入州領如阜一縣屬揚州府

洪武元年置西溪鎮巡司正德十五年改置泰州分

司駐東臺場

國朝因之爲揚州府泰州雍正元年置同知駐東臺鎮專

轄下河水利三年以如臯屬通州乾隆三十三年省東

臺同知分泰州之東北境置東臺縣

星野

黃帝分野次星自斗十二度至婺七度日星紀之次於

泰州志

卷之一 星野

七

辰爲丑保章註日星紀吳越也又曰斗牛女揚州爾雅

以斗牽牛爲吳分漢班固三統歷謂斗江淮牽牛婺女

揚州後漢書星紀起斗十一度終女七度爲吳越分魏

太史令陳卓定郡國所入宿度廣陵入牛八度晉天文

志揚州入牛一度唐志南斗在雲漢下流當淮海間爲

吳分

秦歷代分野之書皆云星紀之次吳越揚州或云自

斗十一度至女七度或云自斗三度至女一度蓋揚

州古疆甚廣包吳越甌閩跨嶺表負海堧統郡數十

廣陵特其中之一郡耳斗牛女分舍三十度廣陵當

牛八度此古天官家言廣陵分野之大畧也泰州爲揚屬明史稿以高郵通泰三州皆斗分謹案

國朝時憲書雍正五年十一月十日壬戌冬至未正一刻

後日躔星紀之次十一日躔箕二度至十六日躔箕

八度十七日躔斗初度至十二月初十日躔斗二十

二度是日交大寒夜子初一刻三分後日過元枵之

次十一日躔斗二十三度十二日躔斗初度至十八

日躔牛六度十九日躔女初度由此推之則是今之

星紀起箕二度終斗二十二度而牛女二宿全不在

星紀之次也伏讀

泰州志

卷之一 星野

八

欽定熱河志敬載

御製題毛晃禹貢指南詩注史記天官書二十八舍主十二州

引星經如云角亢鄭之分野之類乃以二十八宿主

十二州分配無餘此外更當何屬夫天無不覆星麗

乎天亦當無不照今十二州皆中國之地豈中國之

外不在此昭昭之內乎且其間有地少而星多亦有

地多而星少以天度地與準之亦不均如井鬼爲雍

州陝西甘肅皆是其道畢之廣已非兩舍所能該而

今拓地遠至伊犁葉爾羌喀叶噶爾較禹貢方隅幾

倍蓰其地皆在甘肅以外將以雍州兩星概之乎抑

別有所分屬乎此又理之難通者蓋分野之說本不足信而災祥則更鄰於讖緯

聖訓昭

垂誠足破千古拘墟之見矣惟四時節氣有關土地之

宜今遵北極出地表標明之泰州北極出地三十二

度三〇二〇夏至日出寅正三刻八分日入戌初二

刻一分晝五十九刻八分夜三十二刻一分冬至日

出辰初二刻一分日入申正二刻八分晝三十七刻

一分夜五十九刻八分

祥異

宋文帝元嘉十九年五月海陵王文秀獲白烏南兗州

泰州志

卷之一 祥異

九

刺史臨川王義慶以獻宋書符瑞志

孝武帝大明二年三月見雙白雉

唐文宗太和四年十一月海陵火新唐書五行志

宣宗大中六年夏饑海陵高郵民於官河中澆得異

米號聖米同上

僖宗乾符六年二月泰州管內四縣生聖米大如茨

實雜正府志

宋太祖乾德二年七月泰州湖水漲壞居民廬舍數百

區溺牛畜甚眾宋史五行志

三年七月泰州湖水損鹽城縣民田同上

開寶元年七月泰州湖水害稼同上

太宗太平興國四年泰州雨水害稼同上

真宗咸平二年海陵縣麥秀二三穗同上

大中祥符四年十一月楚泰州湖水害田水多溺者

同上

二年二月己亥泰州言海陵草中生聖米可濟饑

宋史真宗紀

仁宗天聖五年三月泰州地震宋史五行志

皇祐三年十二月泰州獲白兔同上

神宗熙寧時淮西連歲蝗旱居民艱食通泰農田中

泰州志

卷之一 祥異

十

生苗被野飢民得以采食王闢之澠水燕談

元豐四年七月泰州海風駕大雨漂沒州城壞公私

舍數千楹宋史五行志

徽宗崇寧四年泰州禾生穗宋史徽宗紀

政和五年六月泰州軍獲白兔宋史五行志

孝宗乾道元年正月泰州火燔民舍幾盡宋史五行志

淳熙五年八月淮東通泰楚高郵黑鼠食禾既鼠大

饑同上

六年通泰楚州高郵軍大饑人食草木同上

九年七月淮甸大蝗真揚泰州害撲蝗五千斛同上

光宗紹熙二年五月真揚泰楚皆旱同

七月高郵縣蝗至於泰州同上案高郵於紹熙三十一  
年復為軍縣字

宋史

五年五月秦州大水同上

宣宗慶元六年秦州乏食節宋史五行志案是年  
建康府常潤揚楚通泰和

七州江陰軍

理宗淳祐十一年秦州風宋史五行志

元世祖至元十八年四月秦州饑元史世祖紀

成宗大德五年七月江水暴風大溢高四五丈連崇

明通泰真州定江之地漂沒廬舍被災者三萬四

秦州志

卷之一

祥異

十一

千八百餘戶元史五行志舊志雍正府志俱誤作二年

案是月戊戌朔晝晦暴風起東北雨雹兼發江

湖泛溢東起通泰崇明西盡真州民被災死者

不可勝計見成宗紀

九年六月通泰蝗元史五行志

順帝至正元年崇明通泰等州海潮湧溢溺死一千

六百餘人元史順帝紀

十七年秦州海陵縣民劉子彬親墓木生連理雍正

府志

明太祖洪武二十二年七月海潮漲溢壞捍海堰漂溺

呂四等場鹽丁三萬餘口舊志

英宗正統十四年秦州等處水災舊志

憲宗成化三年七月海溢壞堰六十九處雍正府志

六年秋至七年春大旱運河竭七月大雨海潮漲

壞各場鹽倉居民垣屋舊志

孝宗宏治十六年旱疫舊志

武宗正德三年旱饑舊志案是歲揚州饑見明史五行志

七年七月夜大風海溢沒場亭廬舍人死千計舊志

十二年大水舊志

十三年大水同上案十四年淮揚饑人相食見明史武宗紀

秦州志

卷之一

祥異

十二

世祖嘉靖元年七月大風海溢民廬漂沒同上

二年秋大水民饑疫作雍正府志

三年春大饑

十四年六月蝗○十五年春夏旱秋潦沒田禾

十八年閏七月海潮暴至溺死數千人府志

二十年旱○二十四年旱無禾

二十五年旱無禾○二十八年夏大水

三十一年水○三十二年大旱案是年饑見明史五行志

三十三年大旱城濠竭案是年揚州旱見明史五行志

三十四年旱忽大雨一日夜雨壩俱決禾盡沒



三十五年大水廬舍漂沒○三十七年水

穆宗隆慶元年大稔升米三錢案舊志作斗米三錢今從府志斗米易升

二年大稔

三年大海潮溢舟行城市漂溺無算

四年旱蠹○五年六年饑

神宗萬曆元年大稔

二年河決水患同隆慶三年案三年二月淮揚大水八月河決高郵見

明史五行志此云二  
年或係三年之譌

三年大風壞木傷禾○四年多雨殺貴

五年多雨彗見府志云九月  
彗星見西南○六年大水冬雷

泰州志

卷之一

祥異

三

七年遼民飢八月洪水至府志作八年洪  
水至未知孰是

九年潦案十年淮揚海漲浸場三十澆  
死二千六百餘人見明史五行志

十一年閏二月二十八日雨雹如卵殺飛鳥夏旱

多蝗鷺鵠食之

十三年大水海溢

十四年五月颶風雷雨連旬不止城頽四百八十

餘丈廬舍盡壞民浮木以棲

十五年烈風暴雨沒禾稼○十六年春夏疫

十七年旱蝗案十七年十八年旱蝗相仍下河  
茭葑之田盡成赤地見雍正府志

十九年水案是年湖淮漲溢決邵伯隄六十餘  
丈高郵南北俱衝見明史五行志

二十一年大水案是年大水決湖  
隄見明史五行志

二十三年水○二十四年水

二十五年雨粟雨毛

二十六年水○二十九年水○三十年水

三十一年稔夏秋大疫○三十五年夏旱

三十六年水○三十九年水○四十年水

四十一年大稔

四十二年雨雹傷稼○四十五年旱蝗

四十六年稔

四十七年大旱○四十八年水

泰州志

卷之一

祥異

四

熹宗天啟二年大稔

三年十一月地震十二月揚州地  
震見雍正府志

四年稔

六年七月大風拔木秋蝗旱○七年水傷稼

懷宗崇禎元年稔

四年夏旱秋大水決湖隄民飢道殣相望

五年夏旱六月十五日大風拔木八月淮決漂禾

稼案是年饑流殍載  
道見明史五行志

七年閏八月二十五夜大風雨拔木漂禾稼

八年七月蝗